

〔日本靈異記〕下災與善表相先現而後其災善答被緣第卅八

山部天皇代延曆三年歲次甲子冬十一月八日乙巳日夜自戌時至于寅時天星悉動續紛而飛遷同月十一日戊申天皇并早良皇太子自諾樂宮移坐于長岡宮也天星飛遷者是天皇躰○躰恐移字誤宮表也

〔日本後紀〕二十一 嵯峨 弘仁二年八月甲戌是日二星乍合乍離狀似相鬪

〔日本紀略〕嵯峨 弘仁十四年正月辛酉有星孛于西南三日而不見

〔三代實錄〕清和 天安二年八月廿九日丁巳陰陽寮奏言夜有星入紫微宮赤如炎火長十餘丈

〔三代實錄〕清和 貞觀六年七月廿三日丁未有星入羽林東赤黃無光九月九日癸巳是夜有星出紫

微宮入昴長可三丈餘十四日戊戌是夜有星出自奎婁間入於外屏

〔三代實錄〕清和 貞觀七年正月三日乙酉夜有星出庚入甲推之出天苑入常陳二月二日甲寅是日

夜有星出東井入軫色白長二丈餘

〔三代實錄〕清和 貞觀七年九月九日丁亥是夜有星出卷舌入畢首長可三尺十日戊子夜有星出墳

墓下入貫須女十二月廿四日辛未夜有星出奎婁北入抵上司空

〔三代實錄〕清和 貞觀八年六月廿八日辛丑夜有星出奎入大陵十一月五日丙午夜有星出大畢抵

貫大角入攝提

〔三代實錄〕清和 貞觀九年七月廿四日辛酉星晝見

〔三代實錄〕清和 貞觀十三年九月十四日丁亥夜有星出文昌第二第三星與太陽守星中歷紫微宮指

西南行長可三丈其色赤黃有光照地也

〔三代實錄〕清和 貞觀十七年五月十八日己亥夜有星孛東北

〔三代實錄〕清和 元慶五年三月廿一日己巳夜有星出自房入天市色青

〔三代實錄〕清和 元慶五年七月七日癸丑有星出自列肆星入犯心中央星色赤長一丈餘